

Schwarz-Schilling razočaran zbog otkazivanja sjednice Zastupničkog doma Parlamenta BiH i mogućeg kašnjenja s formiranjem vlasti

Visoki predstavnik i specijalni predstavnik EU, Christian Schwarz-Schilling je izrazio svoje razočarenje zbog otkazivanja sutrašnje sjednice novoinauguriranog Zastupničkog doma Parlamenta Bosne i Hercegovine.

«Otkazivanje sutrašnje sjednice Zastupničkog doma i razlozi iz kojih je to učinjeno su neprihvatljivi, imajući na umu obim i značaj zadataka koji stoje pred ovom institucijom», rekao je visoki predstavnik i specijalni predstavnik Evropske unije.

«Iako postoji veza između zastupljenosti političkih stranaka na nivou Parlamenta i na nivou Vijeća ministara, funkcioniranje zakonodavnih organa vlasti ne može biti talac pregovora o formiranju koalicija.»

«Održavanje pregovora o formiranju koalicija juče u Sarajevu je predstavljalo pozitivan korak, iako su pregovori prekinuti bez postizanja bilo kakvih rezultata.

«U usporedbi s tim nemoguć je prijedlog da će zaključivanje koalicionih pregovora morati sačekati formiranje Doma naroda Federacije BiH. Ovakva situacija bi mogla dovesti do kašnjenja u osnivanju državnih organa vlasti od nekoliko sedmica ili mjeseci, odlaganja koje Bosna i Hercegovina sebi ne može dozvoliti.»

«Građani Bosne i Hercegovine i međunarodna zajednica očekuju

da će koalicioni pregovori odmah biti nastavljani u duhu saradnje i bez odlaganja. Lično ću uputiti ovu poruku liderima političkih stranaka koje učestvuju u pregovorima.», zaključio je Schwarz-Schilling.